

No. 498. 1478. 14. Jan.

*Kurfürst Ernst und Herzog Albrecht geben dem Rath auf, die vormals erlassenen luxuspolizeilichen Vorschriften streng zu handhaben und den Bau des Gewandhauses nach Möglichkeit zu fördern.*

Von gots gnaden Ernnt kurfurst ꝛc. vnnnd Albrecht gebrudere herzogenn zu Sachßnn, lantgrauen in Doringen vnd maregrauen zu Meißnn.

Liebenn getrauwm. Wir werdenn bericht, das die ordenung vnd sacczunge, so ir der cleidung hochzeit vnnnd ander halben uf vnnser gescheffe in vnnser stat vnder den burgernn bei uch gesacczt vnnnd gemacht, auch ander ordenung vnn ecczliheenn bey uch voracht vnd groblich obirfarnn, das vnn uch nachgelaßnn, das vnnns, so das gescheen, vnnnd das ir uch an dem gewannt hawße, das ir vorzceiten mit vnnser gunst willen vnnnd befehl zcubawen furgenomen, zcubawen gar leßlich irtzeitigt habt, das vns nicht vnbillich befremdet, so wir denn befundenn, das sich die mergkte vnn den gnaden gots vnnn iare zu iare bessern, deßhalben sulch haws notdurfft ist, vnnns vnnnd gemeyner stadt, so das gebauwet wurd, merglicher nucz dor aws erwachßin mucht. Dorumb ist vnnser ernnte begerung, das ir obir sollicher ordenung vnnnd sacczung, so ir uf vnnser befehl vormals gemacht, vnnnde aller ander ordenung vnnnd sacczunge, die vor alder vnnnd lobelich herbracht seyn, vestiglichenn haldet vnnnd ernstlichenn straffet, dor inn nymants, obir den ir pillich zeugebitenn habt, verschonet; vnnnd ap die buss vormals vnnn uch uf sollichs gesacczt zu geringe were, so wult die erhothen vnnnd wie vor der gemeynn zugut ernstlich nehmen, uf das sollich ordenung sacczung deste sorgfeldiger vnnnd vleißiger gehalten werdenn, wenn wir in vnnser regirung vnnnd allen den vnnsern ordenung wollen gehabt haben, dadurch mann eynen stannt vor den andernn, also das herkomenn, auch billich ist. erkennenn vnnnd halten muge, vnnnd das durch solliche boze hoffart vnnnd vnerkenntlichkeit der lewte der almechtig got nicht erzcornnet, dodurch wir seiner grundelößenn gute, die er vnnns vnnnd allen den vnsern in vnnserm regimennt in allen stuckenn so mannichfeldiglich mildiglichenn vorliheenn vnnnd gegebenn hat vnd teglichenn thut, des wir vnnnd die vnnsernn. pillich erkentlich vnnnd dangbar sein, nicht entzogenn vnnnd derhalbenn in sein straffung komenn dorffenn; vnnnd das ir das angehaben haws zcu dem handel notdurfftig an allen abbruch ufs furderlichst das vmmer gesein kan mit ganezzem vleiß aufbrenngit vnd bereitet, als ir das wol gethun konnet. Vnnnd uf das ir sollich haws deste statlicher vnnnd furderlicher bereitem muget, so ist vnnser begerung, das ir allen burgernn bei uch saget, das sie sich mit oren gebewdenn diß kunftig iar vnnnd so lanng bis das ir das haws vorbringt enthaldenn, vnnnd allen zeigel, den ir kont gemachen vnd in uwirn offen gebornen lassen, zcu nicht anders komenn lasset, sundern den alleyne zcu bauwunge des hawses gebraucht, bis das ir das hawß' bereitet. Euch in den allen gehorßamlich vnnnd vleissig vnnnd nicht sewmlich vormerckenn laßnn, ist vnnser ernst meynung, wollen das vnnn uch